



Andrea Zogg, actor grischun, è in da dus acturs da professiun sper in ensemble da passa 30 acturs laics.

KEYSTONE

«Via Mala» cun Andrea Zogg

Preschentaziun en il Museum Ballenberg

■ (rtr) La stad è er il temp dals teaters sut tschiel avert. En il museum al liber Ballenberg en la part sura da Berna datti questa stad in teater cun ina ferma tempa grischuna. I vegn dà il toc «Via Mala» tenor il roman da l'autur svizzer John Knittel ch'è mort l'onn 1970 a Maiavilla. E la rolla principala vegn era giugada d'in Grischun: da l'actor *Andrea Zogg* ch'è creschì si betg lunsch davent da la Viamala, a Tumein. Andrea Zogg gioga la rolla Jonas Lauretz,

in possessur d'ina resgia en in lieu fictiv da manaivel da la Via Mala. Jonas Lauretz è in veritabel tiran, in alcoholicher ed in patriarc violent. La fascinaziun per quella figura nauscha ha intimà l'actor da 57 onns da surpigliar quella rolla – ina rolla che acturs uschè gronds sco Mario Adorf u Gert Fröbe han gia giugà en produziuns da televisiun e kino.

Andrea Zogg è in da dus acturs da professiun sper in ensemble da passa 30 acturs laics. Per el è quai d'ina vart in re-

turn als origins da sia carriera, cunquai ch'el ha cumenzà sez sco laic cun teaters sut tschiel avert avant passa 30 onns a Cuira. Da l'autra vart saja quai era enrigint perquai che acturs laics hajan savens in access pli direct e natural ad ina rolla che acturs da professiun, è Andrea Zogg persvadi.

Il toc «Via Mala» vegn dà dals 9 da fanadur fin ils 23 d'avust en il Museum Ballenberg adina la mesemna e la sonda, mintgamai a las 20.15.